


Մաշտոցի Արձագանգ

Հայաստանեաց Եկեղեցւոյ Սուրբ Յակոբ Կիրակօնօրեայ Դպրոցի ամսաթերթ

Հաւատք | Կրօն | Եկեղեցի | Լեզու | Մշակոյթ



Ապրիլ 2007
ԺԴ տարի- թիւ 8

Քրիստոս յարեաւ ի մեռելոց:

Օրինեալ է յարութիւնը Քրիստոսի:

Նոր Կիրակի Կը կոչուի Զատիկին յաջորդող
Կիրակին.....կարդա' Էջ 4

Աստուածաշունը մանուկներու համար
Յիսուս կը մեռի եւ Յարութիւն կ'առնէ:
Ինչո՞ւ Յուդան Յիսուսին կը համբուրէ:
Ինչո՞ւ Յիսուս չիշաւ Խաչէն:
Ինչո՞ւ կիները անուշահոտ կը բերեն:
կարդա' Էջ 11-13

Աւագ Շաբաթ: Աւագ շաբաթը մեր Տիրոջ Յիսուս Քրիստոսի չարչարանքներու, խաչելութեան, թաղման ինչպէս նաև դժոխքի աւերման, հոգիներու ազատման եւ Քրիստոսի հրաշափառ յարութեան շաբաթն է:
շաբթուան իւրաքանչիր օրուան մասին կարդա' Էջ 5-8

Սուրբ Յարութիւն: Քրիստոսի յարութեան բուն տօնը, Զատիկը, 35 օրերու շարժականութիւն ունի, ալսինքն ամեն տարի տարբեր թուականի կը գուգադիպի: Ան կրնայ հանդիպիլ Մարտ 22-էն մինչեւ Ապրիլ 25 երկարող ժամանակամիջոցին:

Այս տօնին մասին կարդա' Էջ 9

«Մաշտոցի Արձագանգ»

Հայաստանեայց Եկեղեցւու
Սուրբ Յակոբ Կիրակօնօրեայ Դպրոցի
ամսաթերթ

Խմբագիր՝
Շաղիկ Թորիկեան Պոյամեան

ՄԱՇՏՈՑԻ ԱՐՁԱԳԱՆԳ.ի ներկայ եւ
նախկին թիւերը կը գտնուին նաեւ
համացանցի վրայ։ Այցելեցէ՞ք
www.sourphagop.org հասցեն եւ
ընտրեցէ՞ք Պարբերաթերթ բաժանումը

Հայաստանեայց Եկեղեցւու
Սուրբ Յակոբ Կիրակօնօրեայ Դպրոցի
կամաւոր խմբակը

Ուսուցիչներ՝
Վերժին Գիւղթանձեան
Վերա Թորոսեան
Թամար Գիզիրեան
Երան Լոշխանձեան
Յասմիկ Նաճարեան
Գարոլ Մանուկեան
Փոլ Գիզիրեան
Շողիկ Նաճարեան
Աշխեն Իշխանձեան
Յասմիկ Գանաձեան

Հուսանկարիչ՝
Նիկոլ Դանիելեան

Տնօրէց՝
Թորոս Պապիկեան

Այս թիւով . . .



Աստուծոյ կամքը միշտ Բարի է.....	Էջ 3
Նոր Կիրակի կամ Կրկնազատիկ.....	Էջ 4
Ծաղկազարդ, աւագ Երկուշաբթի.....	Էջ 5
Աւագ Երեքշաբթի.....	Էջ 6
Աւագ Զորեքշաբթի եւ Հինգշաբթի...	Էջ 7
Աւագ Ուրբաթ եւ Շաբաթ	Էջ 8
Սուրբ Յարութիւն	Էջ 9
Ուխտ առաջի նահատակաց ի Տէր Զօր.....	Էջ 10
Աստուածաշունչը մանուկներու համար ..	Էջ 11-13
Եզակի գիրեր	Էջ 14
Ո՞րն է ճիշդ պատասխանը	Էջ 15-19
Ապրիլ 24, 1915-2007.....	Էջ 20

Խմբագրական

Աստուծոյ կամքը միշտ Բարի է

Աճող մանուկներու ինչպէս նաեւ չափահաս մարդոց կրօնական դաստիարակութեան մէկ երեւոյթն է Աստուծոյ պատկերացումը իբր ամենակալ, հօգոր ու իշխող ոյժ։ Աստուծոյ այս գերադաս նկարագրականը ինքնաբերաբար, շատերու մօտ կը յառաջացնէ այն սկզբունքը ըստ որուն, Աստուած իբր վերին ոյժ ու կարողութիւն, ինքն իրեն կը վերապահէ նաեւ իր հետեւորդները պատժելու կամ փորձութիւններու ենթարկելու կարելիութիւնը։

Այս ուղղութեամբ, ոմանք պիտի մտածեն թէ իրենց կեանքերէն ներս պատահող դժբախտութիւն մը կամ փորձանք մը նշանն է Աստուծոյ բարկութեան կամ պատիժին։ Հիւանդութեան կամ այլ դժուարութեան մը առիթով նոյնպէս, ոմանք պիտի հետեւցնեն թէ Աստուած զիրենք փորձութեան կ'ենթարկէ իրենց կատարած այս կամ այն սխալին համար։

Աստուծոյ այս բարկացոտ կամ պատժական յատկութիւնը սակայն մեզ կը թուի ըլլալ անբնական ու սխալ։ Քրիստոնեութիւնը կը քարոզէ թէ ամէն ինչէ վեր Աստուած սէր է եւ ուրեմն անսպասելի է որ Ան որեւէ տեսակի շարիք հասցնել կամ պատիժ պարտադրել։ Աստուծոյ կամքը իր իսկ ստեղծած արարածներուն հանդէա միշտ սէրէն ծնունդ արած Բարին է։ Այս դաւանանք է, անխախտելի հաւատալիք, եւ իւրաքանչիւր հաւատացեալ իր հոգին մէջ կը գրկէ այս սկզբունքը ու կը կառչի անոր։

Սակայն տակաւին կը գտնուին մարդիկ որոնք հարցականի տակ կը դնեն այս հաստատումը ու կը շարունակեն մտածել թէ Աստուած կրնայ պատժել ու փորձութեան ենթարկել։ Այսպիսի տեսակէտ ունեցողներուն կարելի է հակազդել հետեւեալ ձեւով։ Աստուած, իբր բարիքի ու սիրոյ բարձրագոյն օրինակ անկարող է չարիքի։ Ան որեւէ ձեւով չի

պատժեր ոչ ալ կը փորձէ իրեն հաւատացողները։ Ընդհակառակը, երբ մեր կեանքերէն ներս դժբախտութեան կը հանդիպինք այդ նշանն է թէ մենք, հաւանաբար առանց անդրադառնալու հեռացեր ենք Աստուծմէ ու անգիտակցաբար տեղ տուըր չարին։ Աստուած չէ որ կը պատժէ, ընդհակառակը Ան է որ մեզ կ'ընկերակցի մեր չարին մատնուածութեան ընթացքին ու մեր կողքին քալելով պաշտպան կը մնայ ու կը հետեւի, չի լքեր, միշեւ որ մեր հաւատքն ու Աստուծոյ հանդէա ամբողջական վստահութիւնը վերագտնենք ու չարը վերացնենք մեր կեանքեն։ Այս սկզբունքին լաւգոյն օրինակներէն մէկը պիտի ըլլար Հայ ժողովուրդի ցեղասպանութիւնը որուն համար զԱստուած պէտք չէ այսպանել այլ պէտք է հաւատալ թէ Ան մեր կողքին մնալով մեզի յարութիւն ու վերստին կեանք տուաւ։

Աստուծոյ կամքը մեզի համար՝ միշտ Բարի է։ Իսկ երբ հանդիպինք չարին, Աստուած կը շարունակէ պահպանել մեզ, քալելով մեր կողքին ու առաջնորդելով մեզի դէպի լոյս, դէպի յոյս։



Ապրիլ ամսուան տօնացոյց


- Ապրիլ 1:** Ծաղկազարդ
Ապրիլ 2: Յիշատակ արարչագործութեան
Ապրիլ 3: Յիշատակ տասը կոյսերու
Ապրիլ 4: Յիշատակ մատնութեան Տեառն
Ապրիլ 5: Վերջին ընթրիք, Ոտնլուայ,
 խաւարում, Աւագ Հինգաբթի
Ապրիլ 6: Աւագ Ուրբաթ Կարգ
 խաչելութեան եւ թադման
Ապրիլ 7: Աւագ Շաբաթ, ճրագալոյց Սուրբ
 Զատկի
Ապրիլ 8: Սուրբ Զատիկ, Յիշատակ
 Յարութեան Տեառն մերոյ
Ապրիլ 9: Յիշատակ մեռելոց
Ապրիլ 14: Յիշատակ գլխատման Սուրբ
 Յովհաննէս Մկրտչի
Ապրիլ 15: Կրկնազատիկ, Նոր Կիրակի
Ապրիլ 22: Աշխարհամատրան կամ Կանաչ
 Կիրակի
Ապրիլ 24: 92-րդ տարեդարձ Հայոց
 ցեղասպանութեան
Ապրիլ 29: Կարմիր Կիրակի

ՆՈՐ ԿԻՐԱԿԻ կամ Կրկնազատիկ


ՆՈՐ ԿԻՐԱԿԻ կը կոչուի Զատիկին յաջորդող
 Կիրակին, որովհետեւ մէկշաբթի օրը
 Քրիստոսի յարութեամբ նուիրագործուեցաւ եւ
 Կիրակի տէրունի օր եղաւ, եւ հետեւաբար
 առաջին անգամ անոր յաջորդող Մէկշաբթին
 կ'ըլլայ ՆՈՐ Կիրակի մը:

Նոր Կիրակին Զատիկուան նման օր մը ըլլալով՝
 Կրկնազատիկ ալ կոչուեցաւ: Անոր յիշատակը
 Քրիստոսի Յարութեան տօնէն զատ
 հեթանոսներուն կոչման եւ Քրիստոսի եկեղեցւոյ
 ընդարձակման եւ տարածման ալ յիշատակը
 կը պարունակէ, եւ այս տեսակէտով եկեղեցւոյ
 տօներուն շարքին կ'անցնի:

Կրկնազատիկ ժողովրդական անուն մըն է որ
 երբեմն կը տրուի Նոր Կիրակիին, սակայն
 բնաւ եկեղեցական նշանակութիւն չունի:



Յովհաննէսան



Մինաս 1450

Աւագ շաբաթ

Աւագ շաբաթը մեր Տիրոջ Յիսուս Քրիստոսի չաշարանքներու, խաչելութեան, թաղման ինչպէս նաև դժոխքի աւելման, հոգիներու ազատման եւ Քրիստոսի հրաշափառ յարութեան շաբաթն է:

Աւագ շաբթուան լճթացքին կատարուեցաւ այն ինչ որ անհրաժեշտ էր որպէսզի մեղաւոր մարդուն վերստին անմահութիւն պարգևելի եւ ան վերստին երկնքի արքայութեան արժանի դառնայ:

Աւագ շաբթուան առաջին օրն է Ծաղկազարդի Կիրակին:


Ծաղկազարդի օրը՝ հրէական Զատիկէն հինգ օր առաջ, Քրիստոս իր կամքով եկաւ Երուսաղէմ, յայտարարելու համար թէ ինք էր Աստուծոյ Գառը եւ թէ կը կամենար պատարագուիլ մարդոց փրկութեան համար: Երբ Քրիստոս Երուսաղէմ մտաւ, մարդիկ, արմաւենիի ճիշդեր վեր առնելով, եկան զինք դիմաւորելու: Ծաղկազարդը կը նկատուի յատկապէս մանուկներու տօնական օր որպինետեւ Տիրոջ տաճար մտնելու լճթացքին Երուսաղէմի մանուկները կ'աղաղակէին ըսելով.- «Օրինութիւն Դափիթի որդիին»:



Աւագ Երկուշաբթի օրը այն օրն է ուր Յիսուս անիծեց անպտուղ թզենին որ իսկոյն չորցաւ: Անպտուղ թզենին օրինակն է ճշմարիտ հաւատք ու բարի գործեր չունեցող մեղաւորներուն, որոնք Աստուծոյ շնորհներուն արժանի պիտի չըլլացին:

Տասը կոյսերու առակը

Աւագ Երեքաբթին, Քրիստոս կը բարձրանայ ձիթենեաց լեռ եւ իր աշակերտներուն կը պատմէ իր գալիք չարչարանքներուն, խաչելութեան, ինչպէս նաև յարութեան մասին։ Այդ օր ան իր աշակերտներուն կը պատմէ տասը կոյսերու առակը։



- Այն ատեն երկինքի թագաւորութիւնը պիտի նմանի հետեւեալին.-

Տասը կոյսեր կային որոնք իրենց լապտերները առած՝ դիմաւորելու ելան փեսան։ Անոնցմէ հիգը յիմար էին իսկ միւս հինգը՝ իմաստուն։ Յիմարները առին իրենց լապտերները, բայց իրենց հետ պահեստի ձեթ չառին, մինչդեռ իմաստունները իրենց լապտերներուն հետ սրուակով ձեթ առին։ Երբ փեսան ուշացաւ գալու, բոլորն ալ թմրեցան ու քնացան։

Կէս գիշերին կանչ մը լսուեցաւ. « Ահա փեսան կու գայ, զայն դիմաւորելու ելէք»։ Կոյսերը արթնցան եւ սկսան իրենց լապտերները կարգի դնել։ Յիմար կոյսերը իմաստուններուն ըսին. «Զեր ձեթէն քիշ մը մեզի տուէք, որովհետեւ մեր լապտերները ահա կը մարին»։ Իմաստուն կոյսերը պատասխանեցին. «Ո՛, որովհետեւ կրնայ ըլլալ որ մեզի եւ ձեզի չբաւէ. աւելի լաւ կ'ըլլայ որ երթաք խանութպաններուն եւ ձեզի համար ձեթ գնէք»։

Երբ անոնք ձեթ գնելու գացին, փեսան եկաւ եւ պատրաստ եղողները փեսային հետ հարսանիքի մտան, եւ դուռը գոցուեցաւ։ Քիչ ետք եկան միւս կոյսերը եւ ըսին. «Տէ՛ր Տէ՛ր, դուռը բա՛ց մեզի»։ Փեսան պատասխանեց. «Խսկապէս որ չեմ ճաննար ձեզ»։

Ապա Յիսուս եզրակացուց.

- Ուրեմն՝ արթո՛ւն մնացէք, որովհետեւ չէք գիտեր Մարդու Որդիին գալու ո՛չ օրը եւ ո՛չ ալ ժամը։

Տասը կոյսերը կը խորհրդանշեն ամբողջ մարդկութիւնը, իսկ անոնց լապտերներու իւղը՝ ողորմութիւնն ու մարդասիրութիւնը։ Կոյսերու քունի անցնիլը կը խորհրդանշէ մարդոց գերեզմանի մէջ ննչելը, այսինքն մահը, իսկ փեսային առջեւ ելլելը՝ գերեզմանէն յարութիւն առնելը։ Իմաստուն կոյսերը անոնք են որոնք անձի սրբութեան կը խառնեն ողորմածութիւնը, եւ որոնք իրենց հաւատքին կ'աւելցնեն բարի գործերը։ Այլ խօսքով, անոնք են որոնք առարինի կեանք մը կը վարեն։ Իսկ յիմարները անոնք են որոնք իրենց կեանքն Աերս տեղ կու տան Շիրապաշտութեան ու զուրկ կը մնան ողորմութեան գործերէն։

Աւագ Զորեքշաբթին լիշատակն է Տիրոջ մատնութեան որ կատարուեցաւ Անոր աշակերտներէն Յուդային կողմէ, քահանայապետներէն ստացած երեսուն արծաթի փոխարէն։

Աւագ Հինգշաբթի Տէրը կու գայ վերնատուն, հոն կը լուայ իր աշակերտներուն ոտքերը։ Նոյն երեկոյ զանոնք հաղորդ կը դարձնէ իր արեան ու մարմնին հետ, այսպիսով հաստատելով Սուրբ Պատարագի խորհուրդը։

Աւագ հինգշաբթի օր եկեղեցիէն ներս կը կատարուի ոտնլուայի արարողութիւն, եւ երեկոյեան՝ Խաւարման արարողութիւն։ Խաւարումը կը վերաբերի Աւագ Ուրբաթի խորհուրդին, այսինքն Յիսուսի ձերբակալութեան, չարչարանքներուն, խաչելութեան ու մահուան։




Գիտեի՞ր թէ . . .

Հինգշաբթի գիշերուան եկեղեցական արարողութիւնը կը կոչուի խաւարում որովհետեւ Յիսուսի խաչելութեան ժամանակ արեւը կէսօրին խաւարեցաւ ու այդպէս մնաց մինչեւ Տիրոջ հոգին աւանդելը:



Գիտեի՞ր թէ . . .

Աւագ Հինգշաբթի օրը Տիրոջ աւանդատուն բարձրանալն ու աշակերտներուն հետ հոն հաւաքուիլը կը խորհրդանշէ Քրիստոսի փառքի աթոռին վրայ նստիլը իր տասներկու աշակերտներուն հետ:



Աւագ Ուրբաթ

Այս օրը Տիրոջ խաչելութեան օրն է, երբ ԱՅ Իր արեան հեղմամբ լուաց մարդկութեան մելքերը: Այս օրը կը կատարուի թաղման կարգը եկեղեցական արարողութեան ընթացքին:

Աւագ Շաբաթ

Այս երեկոյ կը կատարուի Սուրբ Զատիկի ճրագալոյցի արարողութիւնը, այսպիսով եզրափակելով Տիրոջ չարչարանքներու շաբաթը եւ աւետելով Անոր հրաշափառ յարութիւնը: Այս արարողութեան ընթացքին Սուրբ Հաղորդութիւն ստանալով՝ հաւատացեալ Երուս Մեծ Պահքը կ'աւարտի:

Սուրբ Յարութիւն



Քրիստոսի յարութիւնը Քրիստոնէական եկեղեցւոյ մեծագոյն ու ամենէն փառաւոր տօնն է: Անոր յիշատակը կապուած է հրեաներու Պատերին հետ, որ հայացուելով, վերածուած է «Զատիկ» բառին:

Քրիստոսի յարութեան բուն տօնը, Զատիկը, 35 օրերու շարժականութիւն ունի, այսինքն ամէն տարի տարբեր թուականի կը զուգադիպի: Ան կրնայ հանդիպիլ Մարտ 22-էն մինչեւ Ապրիլ 25 երկարող ժամանակամիջոցին: Զատկուան հետ միատեղ շարժական կ'ըլլան տօնը յաշորդող տաս շաբաթները ու զայն նախորդող 14 շաբաթները:

Քրիստոսի յարութեան տօնը կը սկսի Զատկի նախօրեակին Շրագալոյցի երեկոյէն եւ կը տեսէ 49 օրեր: Այս շրջանին վերջին օրն է Հոգեգալուսի օրը:

Համընդհանուր յարութիւն

Այս բառերով ծանօթ են Աստուծոյ մարգարէներու միջոցաւ մարդոց վերագրած ծրագիրը լստ որուն, աշխարհի վախճանին, բոլոր մահացածներու հոգիները պիտի միանան իրենց մարմիններուն, եւ հոգիի ու մարմնի միաւորմամբ մարդը վերստին պիտի ստանայ իր նախնական ամբողջութիւնը:

Գիտէի՞ր թէ... .

Տարուան 52 կիրակիներն ալ Յարութեան տօն են, եւ երբ ուրիշ տէրունի տօն մը եւս հանդիպի Կիրակի օրուան մը ընթացքին, Յարութեան տօնը չի ջնջուիր, այլ միևն տէրունի տօնին հետ կը խառնուի:

Ուխտ առաջի նահատակաց ի Տէր-Զօր Գարեգին Ա. Կաթողիկոս Ամենայն Հայոց*

Կ'ուխտենք ձեր կենսաւորեալ նշխարներուն սուրբ հայելիին դիմաց, մաքրել, զտել եւ հարազատօրէն ինքնացնել եւ արժանաւորել մեր հայութիւնը ի սպաս Աստուծոյ եւ մարդկութեան համայն աշխարհի:

Կ'ուխտենք վառ պահել մեր քրիստոնէական սուրբ եւ սրբարար հաւատքը մեր պաշտելի հայց. Եկեղեցւոյ դարաւոր աւանդութեամբը հայորէն դրոշմուած եւ հայատիպօրէն մեզ կազմաւորող Քրիստոսի Աւետարանի գաղափարներուն, սկզբունքներուն եւ արժէքներուն ներգործութեան ոսկիացնող հուրովը:

Կ'ուխտենք կենդանի պահել մեր պապերուն ինքնութիւնը եւ անոր իւրայատուկ զօրութիւն, արտայայտչական շեշտ եւ գեղեցկութիւն ընծայած մեր ոսկեղնիկ լեզուն՝ Մեսրոպեան գիրի անմաշելի հանդերձանքովը շքեղափայլ եւ մեր դպրութեան արժէքներովը հազարագանձ, հայ դպրոցի պայծառակերպող քուրային մէջէն:

Կ'ուխտենք հարազատ պահել հայ ընտանիքը, մաքուր պահել ընտանեկան յարկերը մեր հայաշունչ, երդիքները մեր պապենական, ընտանիքի հայավայել սրբութեան եւ պատուախնդրութեան ու զաւակներու տոկուն եւ առողջ դաստիարակութեան առաքելութեան գիտակցութեամբն ու նախանձախնդրութեամբը:

Կ'ուխտենք ամրակուր կառչած մնալ եւ յարաճուն գնացքով առաջ տանիլ մեր ժողովուրդի արդար իրաւունքներու հետապնդման գործը, որովհետեւ ձեր նահատակութեան գերագոյն իմաստը ազատութեան եւ արդարութեան որպէս գին ձեր պատարագած կեանքն է, զոր այսօր մենք պիտի շարունակենք մատուցել մեր կեանքով վասն փրկութեան ազգիս հայոց:

Կ'ուխտենք Տէր-Զօրը միշտ կեանքով առլցուն պահել մեր ապրումներուն մէջ եւ որպէս վկայութիւն մեր այս ուխտին՝ ահա կը կանգնենք այս գեղակերտ Եկեղեցին Նահատակաց, որպէս համբոյր երկնի եւ երկրի, որպէս դաշինք անխախտ ընդմէջ Աստուծոյ եւ հայութեան, անբեկանելի ուխտ սիրոյ, հաւատարմութեան, եւ որպէս աչք մշտարթուն եւ պայծառատես՝ բացուած դէպի ապագայ:

**5 Մայիս 1991
Տէր-Զօր, Սուրիա**


* «Հասրընտիր կոմղակմեր եւ հայրապետական պատգամներ», Գարեգին Ա. Աստուածաբանական եւ հայագիտական մատենաշար թիւ 7

Աստուածաշունչը մանուկներու համար

Յիսուս կը մեռնի եւ յարութիւն կ'առնէ

Չատ մարդիկ կը սիրէին Յիսուսը, որովհետեւ ան հիւանդները կը բժշկէր, եւ իր խօսքերը բարի էին: Մարդիկ զինք կ'ընդունէին «Կեցցէ՛ Յիսուս» աղաղակելով: Բայց կրօնական պատասխանատուները ուրախ չէին եւ կ'ուզէին զինք մեռցնել ըսելով .- «Ո՞վ է այս մարդը որ ինքզինք Աստուած կը համարէ»:


Զատկուան շրջանին, Յիսուս իր ընկերներուն հետ կը հաւաքուի ճաշի սեղանի շուրջ եւ անոնց կ'ըսէ.- «Մօտ օրէն ձեր հետ պիտի չ'ըլլամ այլեւս»:



Յիսուս կ'առնէ հացը ու գինին եւ կ'օրինէ զանոնք:

Ապա կ'ըսէ.- «Այս հացը իմ մարմինս է: Այս գինին իմ արինս է: Ահա ձեզի կուտամ: Կերէք եւ խմեցէք:»


Ընթրիքէն վերջ, Յիսուս
պարտէզ կ'երթայ աղօթելու:
Ան շատ տխուր էր: Յանկարծ
Յուդան կուգայ. անոր կը
հետեւին մարդիկ որոնք կ'ուզեն
Յիսուսը բռնել: Յուդան կը
մօտենայ Յիսուսի եւ անոր
ալտէն կը համբուրէ:
Անմիջապէս զինուած մարդիկը
կը ձերբակալեն Յիսուսը եւ
զինք կը տանին դատելու:



Յաջորդ օրը,
Պիղատոս, երկրի
պատախանատուն,
Յիսուսը դատելու
համար կ'ըսէ.- «Քեզ
կը դատապարտենք
որովհետեւ կ'ուզես
հրեաներուն թագաւորը
ըլլալ: Ո՞վ ես դուն».

Յիսուս չի
պատախանէր:

Պիղատոս կ'ըսէ «Սպաննեցէք այս մարդը»:
Զինուորները Յիսուսը կը տանին բլուրի մը վրայ զինք սպաննելու համար
խաչելով: Մարդիկ կը խնդան ըսելով.- «Եթէ իրաւ Աստուծոյ որդին ես,
ինքզինքդ ազատէ»:



Յիսուս կը տառապի եւ կը պոռայ «Հայր զիս մի լքէր» եւ կը մեռնի:
Հոն գտնուող զինուոր մը կ'ըսէ «Իրապէս որ այս մարդը Աստուծոյ որդին էր:»
Յիսուսի բարեկամները իր մարմինը կը դնեն ժայռի մէջ փորուած գերեզմանի մը
մէջ, եւ մուտքը կը գոցեն հսկայ եւ շատ ծանր քարով մը:
Երեք օր վերջ կիներ որոնք կը սիրէին Յիսուսը, անուշահուտ կը բերեն
գերեզման:

Անոնցմէ մէկը կ'ըսէ «Ինչպէս պիտի վերցնենք գերեզմանի քարը»
Սակայն, շատ կը զարմանան երբ գերեզմանը բաց եւ պարապ կը գտնեն:



Ներսը հրեշտակ մը իրենց
կ'ըսէ.- «Յիսուս յարութիւն
առաւ: Ան ողջ է:

Մեռնելէ ետք նորէն կենդանանալը անհաւատալի է: Յիսուս
իրապէս մեռած էր բայց ան յարութիւն առաւ: Ան հիմա ողջ
է մեր հետ կը մնայ յափիտեան:

Յիսուս բարի էր. Ինչո՞ւ
կային մարդիկ որոնք զինք
չեն սիրեր:



Որովհետեւ Յիսուս կ'ըսէր
թէ Աստուած իր Հայրն է,
եւ այդ խօսքը ոմանց կը
ճեղացնէր:

Ինչո՞ւ Յուդան Յիսուսին
կը համբուրէ:



Նշան մըն էր այդ իր եւ
զինուորներուն միշեւ,
որպէսզի ճանճան Յիսուսը:

Ինչո՞ւ Յիսուս
չիշաւ խաչէն:



Որովհետեւ Աստուծոյ որդի Յիսուս
նաեւ մահկանացու մարդ է:

Ինչո՞ւ կիները անուշանուտ կը բերեն:



Ժամանակին բարեկամութեան
նշան էր այդ, ինչպէս որ
այսօր մարդիկ ծաղիկներ կը
դնեն գերեզմաններուն վրայ,
իբրեւ սիրոյ
արտայալտութիւն:

Եզակի գիրեր

Հայերէն գիրերով Sudoku

գ	թ	դ	ը	ա	ե	զ	է	թ
է	ա	ե	թ	զ	դ	գ	թ	ը
թ	զ	ը	է	գ	թ	ե	ա	դ
ա	դ	գ	ե	է	զ	թ	ը	թ
ը	ե	թ	թ	դ	ա	է	գ	զ
թ	է	զ	գ	թ	ը	դ	ե	ա
դ	ը	թ	զ	ե	գ	ա	թ	է
զ	գ	է	ա	ը	թ	թ	դ	ե
ե	թ	ա	դ	թ	է	ը	զ	գ

Նախորդ «Եզակի գիրեր» ուն
լուծումը

դ	է				թ	ա		
		ե				է		
գ			թ	ը	լ		դ	ե
է	ը		դ				թ	թ
		գ		թ		զ		
թ	ա				ե		դ	է
զ	դ		գ	ա				ը
			ը			դ		
ը	զ					ե		թ

Ամբողջացուր քառակուսիները գործածելով ա, թ, գ, դ, ե, զ, է, ը, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Ո՞ր է ճիշդ պատասխանը

Մարտ ամսուան պատասխանները

Մանկապարտէզի անկիւն

Զատիկի, Երուսաղէմ, Յիսոս,
արմաւենիի, Ովսաննա՛, Տիրոշ, Սուլբ
Նախակրթարան Ա. Բ. Գ. անկիւն

1. դ. 40
 2. ա. դուրս հանել
 3. ա. Աղամը եւ Եւան
 4. ա. Մարտ 4
 5. ա. Յիսուսի պատմած առակներէն
 6. գ. Տնտեսին
 7. թ. Միջինք
 8. 14
 9. եւ ի մի Տէր Յիսուս Քրիստոս, յՈրդին
Աստուծոյ:
 10. ծնեալն յԱստուծոյ Հօրէ՝ միածին,
այսինքն յէութենէ Հօր:
- Նախակրթարան Դ. Ե. Զ. անկիւն
1. Սեբաստիա
 2. թ. Արտաքաման, գ. Անառակի, ե.
Դատաւորի, զ. Գալստեան
 3. թ. Չորեքշաբթի՝ Տնտեսի եւ Դատաւորի
 4. Անառակի, Տնտեսի, Դատաւորի

5. Յիսուս Քրիստոսի

6. Ծաղկազարդ

7. ա. Երուսաղիմայ, թ. Օձնեցի, գ.

Որոտնեցի, դ. Տաթեւացի

8. գ. Հաւատով Խոստովանիմ

9. Ընծայեալ

10. 8, 11

Երկրորդականի անկիւն

1. ա. Դոնապանութիւն, թ.

Ընթերցողութիւն, գ. Երդըմնեցուցութիւն,
դ. Զարննկալութիւն

2. թ. Արտաքաման, գ. Անառակի, դ.

Տնտեսի, ե. Դատաւորի, զ. Գալստեան,
է. Ծաղկազարդ, թ. Սուլբ Զատիկի

3. 14

4. Նուիրուած Աստուծոյ ծառայութեան

5. Յովհաննէս Օձնեցի

6. Տնտեսի

7. դ. Յովհաննէս

8. գ. Ղուկաս

9. Մարտ 24

10. Մարտ 10

Ո՞րն է ճիշդ պատասխանը

Մարտ ամսուան մասնակցողները

Սուրբ Յակոբ Կիրակոսորեայ Դպրոց

Սուրբ Յակոբ Ազգային Վարժարան

Մասնակապարտէզ

Հրակ Պանքեան, Սեւակ Թեհինեան, Տանիէլ Տօնապետեան, Լորա Տօնապետեան, Լիլի Չինչինեան, Քրիստինա Ակրեան, Ժիվի Քէօշկերեան, Յակոբ Գիւպթանճեան, Մելեքեան Ալիս, Մելեքեան Սահակ, Անթապի Ցոլեր, Նասոյեան Անդրանիկ

Նախակրթարան Ա.Բ. Գ. անկիւն

Փաթիլ Կարապետեան, Քրիստոֆըր Արմութլու, Նշան Կիրակոսեան, Արա Միրզոյեան, Սեւակ Դափեան, Ալիք Գապաքեան, Դանիէլ Ակրեան, Միեր Պանքեան, Խշխշեան Ռիթա, Կրէս Նարեկեան, Կարինէ Կարապետեան, Սերժ Դափեան, Քարինա Քիւփելեան, Հրակ Քիւփելեան, Յակոբ Չինչինեան, Նանար Եագուպեան:

Անսխալ պատասխանողներ

Սեւակ Պապիկեան, Արազ Գիւպթանճեան, Շեսիքա Մաթոսեան, Արին Անթապի

Նախակրթարան Դ.Ե.Զ. անկիւն

Գեորգ Պուիքեան, Զոհրապ Կարապետեան, Ալեք Կարապետեան, Միեր Մաթոսեան, Նանոր Քիւփելեան, Ռոզալին Չինչինեան, Հրայր Մաթոսեան, Մարիա Դանիէլեան, Լորի Չինչինեան

Անսխալ պատասխանողներ

Առէն Պապիկեան, Կասիա Արմութլու, Դալար Գիւպթանճեան, Շողիկ Թեհինեան

Երկրորդականի անկիւն

Թամար Պուիքեան, Ցովիկ Կարապետեան, Քրիստին Կարապետեան, Արի Միրզայինան, Սեդրակ Մամիրոյեան, Հրակ Նարեկեան,

Ծաղիկ Դասարան

Անսխալ պատասխանող
Արազ Աղպապեան

Վարդգէս Եւ Աստղիկ Սարաֆեան
Նախակրթարան

Դ. դասարանի

Մասնակցողներ
Արփի Չերքէզեան, Միեր Շարաշեան,
Մելիսա Պետրոս, Վանէսա
Փիլիկեան, Գրիստիան Տիւպէ, Թովմաս
Զաքուր, Լորի Չուխանճեան, Ալեքսանտր
Զաքեան, Գարին Տանաօղլեան, Սառա
Թէրզեան, Դանիա Ժօանէթ, Արեգ
Գուշեան, Արա Սոպանեան, Լորի
Չոպոյեան, Սանտրա Թիւփէնքճեան, Սեւան
Յոսիկեան, Ալինա Մարտիրոս, Արթիր
Պէքարեան, Ալեք Թոոպի

Անսխալ պատասխանողներ

Շանթ Ղազելեան, Ռուբէն Չերշեան, Ալեք
Կարապետեան, Ռուպինա Տէմիրճեան, Արամ
Պարթետեան, Աւետիս Թիւփէնքճեան,
Աստրինա Մուրատեան, Արամ Անսալ,
Դինա Կարապետեան, Սիրվարդ
Սապաղեան, Թամար Մերտիսանեան,
Լինէթ Խորայէլեան, Սեւան Մելեքեան,
Ազնիւ Աղպապեան, Սանտրա Կիլիմեան,
Բիթըր Սարգիս, Սերենա Քիւլիլիքեան,
Նաթալի Հայրապետեան, Շողիկ
Թեհինեան, Մարիամ Մկրտիչեան,
Տանիէլ Չիէսլուքովսի

**Ո՞րն է ճիշդ պատասխանը
Մանկապարտէզի անկիւն**



**«Հոս չէ ան, որովհետեւ յարութիւն առաւ» «Այս տարի
Յարութեան Տօնը Ապրիլ --- ին է:»**

Ամբողջացո՞ւր ըստ Մատթէոս 28.1- 7

առաջ, Մարիամ, մի՛ վախնաք, Մարիամը, երկրաշարժ, հրեշտակը, քարը,
նստաւ, սարսափեցան, խաչուած, յարութիւն, ըսէք, տեսնէք

Ծաբաթ երեկոյէն ետք, երբ Կիրակին կը բացուէր, -----
Մագդաղենացին եւ միւս ----- գերեզմանը տեսնելու եկան:
Յանկարծ զօրաւոր ----- մը եղաւ, եւ Աստուծոյ -----
----- երկինքէն իշնելով՝ գլորեց գերեզմանի մուտքին դրուած
----- եւ ----- անոր վրայ: Անոր տեսքը փայլակի կը
նմանէր, եւ հագուստները ձիւնի պէս ճերմակ էին: Պահապանները
երբ ասիկա տեսան, ----- եւ մեռելի պէս եղան:
Հրեշտակը կիներուն ըսաւ «Դուք ----- գիտեմ որ
----- Յիսուսը կը փնտուէք: Հոս չէ, որովհետեւ -----
առաւ ինչպէս ըսած էր: Եկէք եւ տեսէ՛ք այն տեղը ուր դրուած էր:
Անմիջապէս գացէք եւ ----- իր աշակերտներուն՝ թէ յարութիւն
առաւ: Անիկա ձեզմէ ----- Գալիլիա կը հասնի եւ հոն պիտի
----- զինք. ահա ըսի ձեզի:

Ո՞րն է ճիշդ պատասխանը
Նախակրթարան Ա. Բ. եւ Գ. դասարաններու անկիւն

1. Ցիսուս իր աշակերտներուն ոտքերը լուալով ինչի՞ դաս մը տուաւ անոնց:
 - ա. համբերութեան
 - բ. մաքրութեան
 - գ. խոնարհութեան
 - դ. ծովութեան
2. Վերջին ընթրիքին Ցիսուս ի՞նչ հաստատեց:
 - ա. Սուրբ հաղորդութիւնը
 - բ. Սուրբ Սահմակը
 - գ. Սուրբ կեանքը
 - դ. Սուրբ պսակը
3. Ո՞վ Ցիսուսը ուրացաւ 3 անգամ:
 - ա. Յակոբ
 - բ. Պետրոս
 - գ. Պողոս
 - դ. Յուդա
4. Ցիսուս իր ձերբակալութենէն ճիշդ առաջ ի՞նչ կ'ընէր
 - ա. կ' ուտէր
 - բ. կը խմէր
 - գ. կ'աղօթէր
 - դ. կ'աշխատէր
5. Ամբողջացո՞ւր

Ե՞ս եմ եւ
 կեանքը: Ան որ ինձի կը , թէպէտեւ
 մեռնի՝ պիտի :

Ցովի. 11.25 :
6. Այս տարի Ապրիլ 29ը ի՞նչ կը կոչուի:
 - ա. Նոր Կիրակի
 - բ. Ծաղկազարդ
 - գ. Կանաչ Կիրակի
 - դ. Կարմիր Կիրակի
7. Որո՞նք էին իմաստուն կոյսերը:
 - ա. Անոնք որոնք լապտեր առին:
 - բ. Անոնք որոնք կանուխ գացին
 - գ. Անոնք որոնք լապտեր եւ պահեստի ձէթ առին
 - դ. Անոնք որոնք փեսան դիմաւորելու չգացին
8. Վերջին ընթրիքը շաբթուան ո՞ր օրը տեղի ունեցաւ:
 - ա. Աւագ Հինգշաբթի
 - բ. Աւագ Ուրբաթ
 - գ. Աւագ Շաբաթ
 - դ. Աւագ Կիրակի
9. Ունլուան շաբթուան ո՞ր օրը տեղի ունեցաւ:
 - ա. Աւագ Հինգշաբթի
 - բ. Աւագ Ուրբաթ
 - գ. Աւագ Շաբաթ
 - դ. Աւագ Կիրակի
10. Ո՞ր օրը եկեղեցւոյ արարողութեան ընթացքին Ցիսուսի գերեզմանին տակէն կ'անցնինք եւ մեխակ կու տան:
 - ա. Աւագ Հինգշաբթի
 - բ. Աւագ Ուրբաթ
 - գ. Աւագ Շաբաթ
 - դ. Աւագ Կիրակի

**Ո՞րն է ճիշդ պատասխանը
Նախակրթարան Դ. Ե. Եւ Զ. Դասարաններու անկիւն**

**1.- Ի՞նչ կը կոչուի Զատկուան յաջորդող
Կիրակին:**

**2.- ԳրԷ՛ Աւագ շաբթուան օրերուն
յիշատակը:**

ա.- Աւագ Չորեքշաբթի՝ Յիշատակ

բ.- Աւագ Հինգշաբթի՝ Յիշատակ

**3.- ԳրԷ՛ Աւագ շաբթուան օրերուն
յիշատակը:**

ա.- Աւագ Ուրբաթ՝ Յիշատակ

բ.- Աւագ Շաբաթ՝

----- Ս. Զատկի

**4.- ԳրԷ՛ Աւագ շաբթուան օրերուն
յիշատակը:**

ա.- Աւագ Երկուշաբթի՝ Յիշատակ

բ.- Աւագ Երեքշաբթի՝ Յիշատակ

5.- Քանի՞ հատ էին իմաստուն կոյսերը:

ա.- 5

բ.- 10

գ.- 7

դ.- 3

**6. Ամբողջացո՞ւր Քրիստոսի խօսքերը
ըստ Մատթէոս 26.26-27:**

ա. Յիսուս հաց առաւ, օրինեց,
կտրեց եւ բաժնեց աշակերտներուն,
ըսելով.

- Առէք, կերէք, ասիկա իմ
----- է:

բ. Ապա առաւ բաժակը, գոհութիւն
յայտնեց Աստուծոյ եւ տուաւ
աշակերտներուն, ըսելով.

- Բոլորդ խմեցէք ասկէ. ասիկա իմ
----- է:

**7. ա. Յիսուս իր յարութենէն քանի՞
օր տակալին երեւցաւ իր
աշակերտներուն մինչեւ իր Երկինք
համբառնալը:**

բ. Այս տարի Ե՞րբ է Համբարձումը
-----շաբթի, Մայիս ---:

**8. Հոգեգալուստը կը յաջորդէ
Համբարձումին:**

ա. Շաբթուան ո՞ր օրը Հոգեգալուստ
կըլլայ: -----

բ. Այս տարի Ե՞րբ է Հոգեգալուստը:
Մայիս ---:

**9. Այս տարի Հայոց
8եղասպանութեան քանի՞Երորդ
յիշատակն է:**

**10. Այս տարի ո՞ր Կիրակի օրը
Կարմիր Կիրակի կը կոչուի:
Ապրիլ -----**

**Ո՞րն է ճիշդ պատասխանը
Երկրորդականի անկիւն**

- 1- Ի՞նչ կը կոչուի Ս. Զատկուան յաջորդող 3 կիրակիները:** ----- օրը:
 ա.- ----- Կիրակի
 բ.- ----- Կիրակի
 գ.- ----- Կիրակի
- 2- ըստ Գրիգոր Տաթեւացին հաւկիթը խորհրդանշէ աշխարհը՝ հետեւեալ ձեւով :**
 ա.Կեղեւը` -----
 բ. Մաշկը` -----
 զ. Շերմկուցը` -----
 դ. Դեղնուցը` -----
- 3-Կարմիր գոյնով ներկուած հաւկիթը կը նշանակէ թէ՝**

- 4-14 Հարցումներուն համար .**
Հետեւեալ դէպքերը Ծաղկազարդէն մինչեւ Սուրբ Զատիկ ընթացքին ո՞ր օրը տեղի ունեցան:
- 4-Յիսուս մաքրագործեց Տաճարը աւագ** ----- օրը:
- 5-Այրին որ տաճարին մէջ իր ունեցած երկու լուման տուաւ աւագ** ----- օրը:
- 6-Յիսուս լացաւ Երուսաղէմի վրայ**
- 7-Յիսուս պատմեց տասը կոյսերուն առակը աւագ** ----- օրը:
- 8-Յուդա յանձն առաւ Յիսուսը մատնել աւագ** ----- օրը:
- 9-Զատկական ընթրիքը տեղի ունեցաւ աւագ** ----- օրը:
- 10-Աշակերտներուն ոտքերու լուացումը տեղի ունեցաւ աւագ** ----- օրը:
- 11-Պետրոսի ուրացումը տեղի ունեցաւ աւագ** ----- օրը:
- 12-Յիսուս աղօթեց Գեթսեմանիի պարտէգին մէջ աւագ** ----- օրը:
- 13-Յիսուս խաչուեցաւ աւագ** ----- օրը:
- 14-Երկինքը խաւրեցաւ երեք ժամ աւագ** ----- օրը:
- 15-Կիրակի օրերը Քրիստոսի յարութենէն առաջ կը կոչուէին՝** ----- :

Ապրիլ 24, 1915 - 2007



Ոգեկոչենք Մեծ Եղեռնի նահատակներուն
անման յիշատակը նաեւ՝

- Ապրելով Հայադրոշմ կեանք մը,
- Վառ պահելով Հայաստանեաց եկեղեցւու
տօներն ու ազգային աւանդութիւնները,
- Լսելով, մտիկ ընելով ու երգելով մեր
Հայանուագ շարականներն ու երգերը,
- Ամուր կառչած մնալով մեր Հայավայել բարի
բարքերուն ու սովորութիւններուն,
- Կարդալով ու կեանքի վերածելով մեր
Հայագրեալ Աստուածաշունչը
- Եւ մանաւանդ՝ ՍԻՐԵԼՈՎ Հայը

Ամբողջ տարուան ընթացքին:

**«Պիտի հանեմ ձեզ ձեր գերեզմաններէն .
կենդանութեան շունչ պիտի տամ, իմ հոգիս պիտի
տամ ձեզի, եւ ձեզի ձեր երկիրը պիտի
վերադարձնեմ:» Եզեկիէլ 37.14**

«ՄԱՇՏՈՑԻ ԱՐՁԱԳԱՆԳ»ի

Երկայ եւ նախկին թիւերը կը գտնուին նաեւ համացանցի վրայ:
Այցելեցէ՛ք www.sourphagop.org հասցէն եւ ընտրեցէ՛ք Պարբերաթերթ
բաժանումը:

**Կիրակնօրեայ Դարոցը բաց է ամէն Կիրակի
ժամը 10:30 - 1:15**

Յաւելեալ տեղեկութիւններու համար կապ պահել, Տնօրէնին՝ Թորոս
Պապիկեանին հետ

Եմակ : director@sourphagop.org
Հեռ : (514) 956-1277